

甘肃人民美术出版社

甘肃赋



主 编 张建伟

副主编 罗文擘
张会文

目 录

- 甘肃赋 / 张文轩 / 1
- 兰州赋 / 王登渤 / 16
- 嘉峪关赋 / 周大成 / 19
- 金川赋 / 魏明伦 / 23
- 白银赋 / 高财庭 / 25
- 天水赋 / 雍际春 / 29
- 酒泉赋 / 霍 军 / 33
- 张掖赋 / 张佩荣 / 37
- 武威赋 / 车安宁 / 41
- 定西赋 / 张仲强 / 45
- 陇南赋 / 李学春 / 48
- 平凉赋 / 胡云安 / 52
- 庆阳赋 / 胡正平 / 56
- 临夏赋 / 王传明 / 60
- 甘南赋 / 李德全 / 62

甘肃赋

作者 张文轩

壮哉甘肃，中华大省。雍州古地，世称三陇。三分东西中之经界，陇谓俯瞰西京之坂岭。去三则为简呼之雅号，久矣哉，乐府制曲而歌咏。昔元帝世祖，始设省而图治。嘉甘州之渥饶，奇肃州之广逖。举二州以赐名，顺平仄而寄意。是故闻名号而知天稟，愿远客毋辽豕而轻议。

其为体也，虎头熊足，杨柳细腰。黄土漫漫以为衣，丹霞裊裊扬其絛。纵瞻龙蟠垺野，横望凤舞九霄。终威武而弘毅，且幽柔而妖娆。枕伊吾而蹶巴蜀，挽河套而携青藏。长安不远，天柱斯亢^①。区划虽列版籍之西北，尺量则为神州之腑脏^②。八千岁始判其春秋，三千里难容其箠牀。敷十四州市、九十区县，辖万有八千村委、千有五百镇乡。羨煞江浙闽徽诸友省，惊却英法德意等上邦。

心广体胖，神清骨健。山水原隰，沙磧草甸，纷然杂厠，互顾相贯。无地貌而不备，怀奇琛而不炫。

言其山也，祁连南傍河西而逶迤，里逾二千。岷山水分江河之南北，峰叠石坚。马啣兀立金城之阴以为屏，幻化云烟。阿尼玛卿骋辔喜马拉雅，谁知其边！皆亘古翠衣而银冠，流眄五岳，颀颀天山。至若子午之岭，六盘诸山，虽冬雪春融，犹越恒岱之肩。彼其之属，殿地不震，擎天不斜。茂林蔽日，风兴雨淳。草木禽兽因之而生生，清泉碧溪以此而活活。

言其水也，小流千只，大河百条。或奔聚江河而归东海，或浸淫内陆而息波涛。黄河南来北往，纳洮、湟、泾、渭而逡巡；嘉陵北来南去，汇北龙、白水、西汉而漂遥。疏勒、黑河、讨赖、石羊留连西鄙，或隐大漠，或息塘坳。尕海亦名措银，苏干又分大湖小湖。如天鉴落地，影射白云绿蒲。解牛羊之飢渴，憩消夏之雁凫。酒泉本名金泉，照水则





得金；骠骑倾庆功之酒，饮之而长醇。移封其地，乃酒仙所思存。至若天祝神山天池，临潭悬泌飞瀑，武山温汤药液，张掖潜流暗渌，行迈时闻，不一而足。

言其原隰，首推河西。平野拓落，远山夹持。长风吹度，雪水润滋。日照最久，海拔偏低。瓜甜果脆，百穀咸宜。回眷陇东，有塬十九。董志、早胜、什字，广居其首。小秦皇之川，渺殷王之美。砥迤其平，字不识陡。好雨固知时节，郑白咸缄其口。腴腴园田，岁岁其有。纵目定西，苍茫陇中。浪涛涌翻，走丘陵之起伏；涯涘嶙峋，临沟壑之纵横。然沃土厚积，何止百寻，削山为阶，何愁乏耕！倘昊穹赐壶榼之水，即见梨柰累累，禾黍芃芃。至若河湟谷地、泾渭汀州，洮河攸经、南水所流，皆叩石垦壤，凿渠布沟。此为百亩之畦，彼为千顷之畴。寸土寸金，十种十收。莫道山穷水恶，闭目生愁。登涯步衍，往往花香鸟语，芳径通幽。

言其草甸，莫如甘南。地势高坦而无垠，天穹低垂而气寒，然芳草萋萋，绿茵绵绵。奇骏驰跃，雄鹰盘旋。羔羊与白云一色，牦牛与麋鹿共餐。至若祁连马啣之麓、关山秦岭之陂，虽块圪楞流，亦杂卉夭蔓，蔡莽菲菲。牧童弄笛，鸟雀馐舌，伴哞聃之鸣，早出而晚归。彼其之属，皆清凉福地，远红尘与是非。

言其沙漠戈壁，外人混同不别，但知蹙眉噫嘻。前者满目黄沙，细如粉灰，横亘武威之北；后者遍地青砾，或扁或圆，迤邐酒泉之西。受日则埋卵可食，笼月则冻肤裂肌。团扶摇则木石腾空，奔飞廉则乾坤昏迷。天蓝气静，则遥显琼楼玉宇，绿树清溪。慎告游子，此乃蜃精之裔变，可奇而不可期。虽然，锁阳、苁蓉非其不生，石油、燃气偏贮其下。沙石无劳漱洗，即为晶莹良材，调和水泥，立铸河梁屋厦。毋怨魂断孤烟，应谢无私造化。

言其寶琛，则固态之矿，气态之物，应有尽有，何乏首富。大种六十有六，产地四百余处。金银铜铁、钴镁硅锡，铬钒碲铈、铅锌硫锑，石棉芒硝、油煤燃气，制砧之料、待琢之玉，或抛头露面，或赧然深避。至若镍铂钨铀，钨钼铈钼，铸型粘土，重晶之石，皆数我第一。彼其之属，神用妙施贵点滴，无由再生日见稀。和氏随侯闻之而怅怅，西洋东



羸晞之而咪咪。

若言草木禾黍，家禽野兽，国国不匮，省省可觀。虽然，彼有所寡所莠，此或是庶是秀。请观白杨，状如榎楠。敲蔓斯鄙，云天是参。抗风阻沙，不折不弯。架栋构桷，伯仲松杉。茅盾心仪而礼赞，流公赋诗而口传^③。沙枣其干如铁，银叶金华，不择水旱，随意安家。枣味甘绵，落地任食；身刺如锥，非礼则扎。桓魋曩制石椁，未知其坚^④；屈子悔佩兰芷，若嗅其葩。纤纤怪柳，丛丛芨芨，一红一白，任土而栖。叶细茎韧，傲风晒晞。根与土沙共命，纠结不移。体供农夫拮据，或编篓筐，或制帚蓆。苻蓉寄生，乃梭梭根瘤；锁阳取茎，如豫鲁之姜。庵大漠而苦修，吸曜灵之紫光。仁贵西征而疗飢，三箭天山而定疆^⑤。悲斯民之孱弱，愿齋身而补阳。蕨菜遍生阴湿冈峦，《诗》名曰“薇”，成仁乎渭源^⑥。夷齐耻食周粟而登首阳，飢餐茎叶，渴饮山泉。其庙香火长盛，此菜清味最鲜。橡栗结于高栎，黄独蛰伏下土。性喜温燠，野蕃同谷。诗圣国破而远迈，赖之活命而入蜀。泾州黄芩、洮阳黄芪，张掖甘草、枸杞，岷县当归、羌活，《本草》所佳，言之凿凿。甘南虫草、秦艽，武都红芪、纹党，雷公所重，腾价市场。彼其之属，二竖闻遁，彭祖见赏。知否敦煌赤杏，名曰李广；天水苹果，号称花牛。微核丰肉之枣但产临泽，南国团橘亦繁阶州。兰州软儿严冬方吮其蜜汁，冬果形如金鉢，秋尽犹悬枝头。俗云安宁之桃，水阜之瓜^⑦。白兰瓜之瓢或翠如竹叶，或赤似葵花。醉沁心脾，香透齿颊。籽瓜之籽名曰“大板”。怀存素仁，衣缘乌纱；厚同玦璧，大若枇杷。南山百合，天雕玉莲，马滩韭黄，地拥金钗，皆国宴珍羞。永登玫瑰，荫亩笼沟。滴油寸金，香飘五洲。至于甘谷辣子、舟曲花椒、迭部柳花、康县木耳，皆为极品；庆阳黄花，诗言萱草，既享口福，又忘心忧。古有黍稷，活我先民。南人不识，考辨纷纭。实我旱田糜子、谷子，去糠则为黄米、小米。母啜其粥则舒泰而丰湏，儿食其饭则果敢而无匹。诸如莜荞二麦，扁圆之豆，洋芋洋姜，胡麻菜籽，皆质味纯厚，洵可延考之年，益妣之寿。

若言禽兽，请观鸚鵡。非鸞非鳶，然古今视为灵物，稻



梁任鹄。《禽经》载其籍，祢衡留赋篇。地若无陇坻，谁信羽族贵能言^③？汉武服八荒，天马来听嗾。倜傥粘赤汗，踏云万里走。乐府为之歌，犹闻风雷吼。水若无渥洼，孰与龙为友^④？熊猫绝踪，然文县出没其羣。饮露食竹，优游温文。羚羊敛迹，而甘南、河西仍衍其种。年年朝圣湖以延嗣，夜夜挂宝角而机警。至若尕拉鸡、蓝马鸡、雪鸡、锦鸡，天鹅、沙鸭、隼鹞、鹞鹰，品目实繁，难穷其名。产香之麝、献茸之鹿、金丝猴、娃娃鱼，水獭雪豹、石貂猓狨、野牛野马、野猪野驴，入林岫而寢息，驰山泽而嬉娱。彼其之属，仁厚者所珍怜，熙攘者所觊觎。

呜呼！天之所降，地之所浮，养我二千六百万同胞，育我十种民族。观我烝众，躯体伟岸，颜面黝红，炯炯其目，谔谔其声。乐匍匐以急难，少靳色而惓诚。信哉，人宵天地之貌，性鍾水土之灵。

言其民族，汉族齿繁，十居其九。保安、东乡、裕固，他省未闻，唯我独有。加之回、藏、蒙、满、土、撒拉、哈萨，十居其一。众者为兄，罕者为弟。虽信仰有别，习俗有分，皆三皇之后，五帝之孙。一方水土所育，百代祖恩所荫。

念三皇之首，太皞伏羲，诞我成纪。通神明而画八卦，代结绳而造书契。佃渔养牲以充庖厨，作瑟制礼而明婚嫁。破鸿蒙于往古，启文明于华夏。其妹女娲，炼石补天。天平地成，万物得安。太皞寝庙、娲皇洞室，穆穆奕奕，八紘来祀。仰五帝之首，轩辕黄帝，修德振兵。尊为天子，未尝逸宁。拜广成子而问道，崆峒是登。《易林》有言：“黄帝所生，伏羲之宇。”史家断言，天水即其桑梓^⑤。是以首皇首帝，同根同里，绳绳不已。唐尧之时，洪水滔天。大禹刊木敷石，随山浚川。导河积石，长峡斧凿之痕自诉由来；经画州道，固当纵目九州高台^⑥。周祚八百，秦壹四海。功绩重，光焰万丈。究其所兴，实赖陇上。夏后政衰，不啻奔于戎狄之间。辟我庆阳，率耕其原。其孙公刘，建京扩址。周业骏发，自此而始。西峰城东有不啻之墓，宁县西郊耸公刘之冢。岁岁公祭而享血食，处处遗踪而成胜景。秦祖则发祥于陇西犬丘^⑦。蟠冢峩峩，西汉潺湲。百草丰茂，涌泉生盐。

非子善殖，马畜硕蕃。周王使之主马而附庸，封立秦邑^⑬，赐号秦嬴。苟无犬丘、秦邑之基业，嬴氏何以东图而称雄？苟无陇西之非子，何来天下之祖龙？君当知，汉武与秦皇埒提，其伟烈实成于河西。单于以头为觥，暴虐贪戾，劫物略土，割断西域。武帝直驱虎穴，除腐恶而吊归义。设四郡名之曰张掖、武威、酒泉、敦煌，凿通走廊，张大右臂。始架欧亚津梁，的定千秋大计。西晋八王作乱，礼典湮沦。胡骑隳突中原，血火漫漶晨昏。然陇右一隅，保境安民。史炳前凉、前秦、后秦、西凉诸国，自立张轨、苻坚、姚萇、李暠诸君。抚遗黎而攘逋寇，辟田畴而劝农桑。中州避难来者，日月相继；西域复得经营，流币通商。优礼宿儒，兴学施教，崇礼振纲。故士庶托命，苏喘息而延子孙；学者身保，讲术业而传书香。君知否，四百年丧乱，道统未绝，实仰于甘凉！隋平宇内，通南北中三道于西海^⑭，辐辏于敦煌。炀帝大猎陇西，即有高昌、吐谷浑、伊吾来朝；途次狄道，便有党项羌首贡物呈筐。驻蹕张掖，西域献数千里之地而置四郡^⑮；大会燕支山麓^⑯，三十国使臣恭谒道旁。数十里车马填塞，歌舞翩翩，钟鼓锵锵。张掖、武威士女衣锦饰玉而观光。所以然者，引商贾东来，示中国之强。爰自民国，溯至三皇，谁闻如此盛典于他乡！隋季鼎沸，陇右饥旱。金城豪杰薛举，瑰伟骁悍。反戕民之戈以击横暴，开仓济众而解倒悬。州县风从响应，所至皆下。称西秦霸王，建元秦兴，不逊西楚叱咤。父老常道，秦王川乃大王牧马之囿，昔登基宫廷，即今庄严古刹^⑰。成纪李渊父子，西凉王暠嫡胤，起兵太原，摧枯拉朽，服众纳贤。先定秦陇，继平东南，建大唐而都长安。天朝民人遂有“唐人”之称，陇西李氏始成郡望之冠。物壮则老，养虎成患。安史为祸，吐蕃捣虚，河陇涂炭。毡裘易锦绣，部落代郡县。强文身而蕃语，撒鬢钿而结辮。父老东望而拜泣，青壮密计而逃窜。但见沙州张公议潮，学富识锐。张揭义帜，万众结队。复河陇十一州而归唐，完金瓯于八十载之裂碎。

往事历历，曷可胜列。人有良谋，天有定则。忆昔光武亲征天水，因得陇而忘蜀；孔明六出祁山，反魏主而为客。街亭一失，张郃立揽三郡之土；阴平取道，邓艾忽终炎汉之





祚。玄奘取经西天，凉州演法，期年绸缪，孤影方冒凄风残月；阔端恩威并加，凉州会盟，数言议定，蕃藏尽归蒙元版册。岂皆偶然！适如老子出关，流沙隐迹；文王伐崇，先平须密^⑮；秦创县政，试点邽冀^⑯。河塞始城于榆中，长城起端于临洮，张骞出发于陇西。北魏凿炳灵仙窟于凤林，庾信制龔铭于麦积^⑰。明筑嘉峪关与山海关首尾顾盼，清架天下黄河第一桥直通伊犁^⑱。班彪投河西窆融而知名，谭嗣同少居兰州而矜奇。天设形胜，地赋元精，遂成中华文明之摇篮，民族孳茂之根基。贤达者苟乘其势而洞其机，何惧入地无门，登天无梯！

地既灵矣，人杰生矣。君读上文，斯已明矣。如欲广闻，愿为君复言数人焉。言其俊彦，竹苞松青。爰在春秋，陇上子南、子徒、子明，负笈万里，杏坛是聆。振木铎于西陲，照暗昧以青灯。君当稔知，潜夫王符，耿介超俗。悲宦戚之乱政，哀垄亩之荒芜。言“和气生人”、“事在人为”于东汉；倡“以民为基”、“富民为本”于草庐。煌煌论著，熔文哲政经于一炉。赵壹桀骜昂藏，谒司徒以长揖，讽羊陟而哭丧。刺世朽而邪炽，斥执政之非良。谓违义者生而已死，乘理者死而不亡。赋穷鸟以恻卑弱，非草书而遏浮狂。苦言切句，散愤流光。秦嘉徐淑，天作好逑。才骈德侔，诗文相酬。滥五言之觞于诗史，抗佞屈之风以清柔。嘉奉使染疾而殒命，淑自毁丽容以拒谋。合葬之墓犹在，高才挚情焉可复求！张芝则为草书之圣。笔端清润长源，萦回崖谷；劲骨丰肌，神化天纵。右军师法，怀素称颂。皇甫谧则为针灸鼻祖^⑳。耽玩坟典，力耕南亩。终成西晋文宗，名振京师州府。但求饱览石渠竹帛，坚拒皇家封官授穀。为高士立传，沉浊而尚清；撰《帝王世纪》，补史而溯谱。精研歧黄，瘳已活人。着针灸甲乙之经，永溉中外杏林。王嘉则为人间神仙。隐游云壑，知遇苻坚。偶吐讖语以料量，绝胜龟卜而蓍占。丽句妙想，拾遗十篇，导小说之路于先。近世安公维峻，史称“陇上铁汉”，鲁迅则谓“中国脊梁”。甲午烽急，唯公代言四亿同胞，抗疏六十，主战反降。直谏李鸿章当杀，那拉氏归政，意气堂堂。发配军台，京师万人赠言资赈，壅蔽门墙；张家口士民十里接迎，拈花焚香。大清缙笏



盈朝，何人堪与同光？

至若西汉段公会宗，二任西域都护，四使乌孙，喻礼待诚，靖乱息争。三十六国，事若父兄。生惧其归而奏表，卒立其祠而献牲。三国贾诩，能守能变，说张绣而投明主，谋官渡而操胜券。杨阜功而封侯，非惟弗受，反自深责。怒斥大将曹洪聚裸女而狂舞，面谴明帝曹睿衣饰之轻薄。北魏李冲，孝文颂曰“国贤民望”。洵为化蛮为雅之圣哲，革旧布新之巨匠。李训乃晚唐奇士。誓佐文宗而除害，诱视甘露而泄密。奇功败于垂成，赤心系于社稷。当朝怒捽奸贼之髮，则有大明王竑；冒死力弹奸渠严氏，唯我邹公应龙。彭泽置棺厅事，时欲死直以陈力；清季吴可读尸谏蓟州，恪守礼制而尽忠。彼其之属，高明挺节，位极人臣。建策献谏，佐主泽民。皆追太公诸葛之勋业、步伊尹管仲之芳尘者也。

至若西晋傅玄，缘事抒情，神游乐府。叙烈女庞娥，宛然汉魏风骨；拟隐隐雷声，怀忱何其深笃。鲍明远出之而俊逸，李太白因之而摹古。南朝阴铿，宅心仁厚，诗工五言。情景浑融，穷态极妍。齐名何逊，体称阴何；诗圣苦学，颇知苦甘。大历才子有十，李益则为其一。五佐戎幕，久历塞涯。拔剑长吟，卷风飞沙。乐工赂求新什以被声，高岑惊喜边曲增芦笳。明有前后七子，魁首则为李公梦阳。五蒙冤狱，难损锋芒。文效秦汉，诗规盛唐。巧施顿挫倒插之法于七律，频杂凄切婉转之赋以昂扬。君当知牛峤感物兴怀，增花间情语之妙；吴镇吟山咏水，令袁枚双目夺光。皇甫枚传《三水小牍》之奇，启宋元话本之昧旦；李公佐记南柯太守一梦，昭世人穷达之虚幻。韩文公文起八代之衰，而我李翱文理义三兼，与之同臻“唐文之善”。李太白天才隽逸，自道曰“陇西布衣”，徒令争籍者望陇而悵悵。彼其之属，扬手飞文，咳唾成珠。观之如图画，饮之若屠苏。皆屈宋之流亚，班马之高徒也。

至若东汉皇甫规开馆十有四年，授徒三百，《诗》《易》是隆。刘昺设绛帐于西凉、北凉、北魏，门生云集，蔚为儒宗。有明段坚，知山东福县，广立社学而启童蒙。村落书声琅琅，政教大行，一时名震圣聪。清季张公国常，朝除京官，暮归省城。乐育英才，树兰植松。长三十年兰山书



院，煽一方汶上学风。君当知刘昺《敦煌实录》，创史家之新体；阚駟《十三州志》，增史地之经典。欲知开元天宝遗事，请问李唐王公仁裕；若寻大清西北博学鸿儒，陇上二澍固为首选。彼其之属，穷经洞史，察今悉古。立言诲人，辞不妄吐。皆观堂、鼎堂之所慕，顾绛、章绛以为伍者也。

望其雄杰，虎啸鹰扬。西汉李广，石棱箭没，飞将名翔。七十四战匈奴，七任边郡太守，身先士卒，心惟固疆。敌闻其名，则丧胆而匿迹；众知其殒，皆涕泣而断肠。赵充国率百人而破强敌重围，武帝亲视其创而嗟叹。少壮北抗匈奴，古稀西平羌叛。料敌而制胜，诛恶而抚善。影绘未央麒麟功阁，策留屯田戍边妙算。抗金名将与韩岳齐名而为犄角者，则吴玠、吴玠兄弟也。和尚原大战，敌尸横野。兀术中矢，自剔其须而远躲。仙人关前敌众十万，数倍于我。玠令大刀长斧，直劈酋所。收复三州，垂束得解。每战必胜而众归，西南安堵赖其锁耳。力战八国联军，则有马福禄昆仲。垂髫睹强敌之环伺，誓从武而求胜。廊房挥师，开第一恶战，狂虏大恟。西摩尔率卒鼠窜，始知赤县有人，不敢妄动。正阳门血战，十栅已夺其七，惜饮弹而绝命。国旌其忠烈，民颂其坚硬。

至若西汉傅公介子，智破楼兰，拔丝路之梗塞，遂使班超耻事笔砚之间；东汉张奂率二百卒除羣敌寇边，终致诸胡敬畏，唯其马首是瞻。白马将军庞德，弯弓汉口，关公带箭，宁死不屈，贱毁节以求生；奉义将军姜维继踵诸葛，心存大汉，攻守权奇，求日幽而复明。中唐李朔，雪夜破蔡州，入室生擒叛将，至今以为美谈；南宋马暨，死守广西严关，元军断其首，犹奋起而握拳。赵率教毁家资，集义兵，赴辽东，筑守锦州，抗清廿四日而立功；朱贵率甘军，奔浙江，保慈溪，决战英寇，与两子殉国为鬼雄。彼其之属，智勇盖世，豪气凌天。卫江山而完固，庇人民而尊严。皆身歿名存，魂驻万年者也。

呜呼！月盈而转亏，积日而成闰。人道摄乎天道，省运快于国运。迨及近世，清廷胆腐肢软。于子民但钳口而吸髓，面外敌唯割地而赔款。嗟我三陇，苦甲天下，频岁荒而兵燹。莫谓地僻路远，武昌方涌大潮，陇上即起波澜。灵台



蔡普明首揭义旗而鸣枪炮，河西祁隆德立传檄文而讨腥膻。黄钺则起义秦州，攻占府衙而立民权。然百足之虫未僵，余孽当轴。般纷纷易装而涂粉，奉上抑下而封侯。一袭龙袍落地，千万大王登头。兵乱税杂，蝥螳不休。

君当知，自嘉兴南湖圣舟启航，即有榆中张公一悟投洪流而运桨。建中共甘肃特支，播革命火种，宣共产主义理想。纵竹刺穿指，辣椒灌肺，终腰膝不屈，涕泪不淌。刘志丹、习仲勋服膺井冈，辟根据地于我华池南梁。一时乌云吞星没月，唯此红旗猎猎，星火炽昌。中央红军万里北征，遭围追堵截，九死一生。然入我甘南，破腊子口险隘，满目雪白而风清。土司开仓，藏胞拜迎。延主席画楼高卧，今犹空阁悬像而守灵。俄界藏家虽陋，然在此预断南下北上之输赢。榜罗为通渭重镇，开一会而定立足陕北之鸿猷；会宁乃陇中古县，会三军而复经年转战之元气。遂有陕甘宁红色边区，成抗日救国中枢，民主廉政楷模，终致全国解放之胜利。

当此时也，甘肃则成抗日后院。难民纷来就食，厂贾寻宅觅店。天水设国立五中，育流亡少年之英才；兰州分西北师院，耀北京师大之炳焕。蓄势延脉，秣马励剑。若重庆失守，国都将落雷坛河畔^②。日蹄关山难越，乃兴空战。铁泉长嚎，喷火投弹，杀我同胞，毁我寺观。邓宝珊将军夫人，亦难免其难。兰州军民裂眦扼腕。健儿卧底运城，官民同除奸患，与苏联援华空队同仇制犯。四日歼机十有八架，创抗日防空最佳战绩，列邦刮目相看^③。及倭寇败绩，恨蒋家专权。抓兵无论老幼，斗米岂止万元。嗷嗷苍生，惟望驱阴霾而见青天。

天察人意，旗翻东风。主席授命彭帅，剑指陇右，树纛榆中。马家孤注一掷，据兰山峻嶒，扼西北喉咙。敌凭暗堡深堑而俯射，我则荷枪施弹而仰攻。将军喋血，战士捐躯，前仆后继而冲锋。地利无奈人和，正义必克反动。红旗跃上峻极，兰州喜获解放，西北乃得掌控。

岁在一九四九，时惟八月二十六日，人民雄师，高歌阔步，迈入金城西门。耆老扶将，少年狂奔。手携箪壶，口呼万岁，欢声遏云。压顶三山，倏尔摧落；自古黔首，始作主



人。天翻地覆，日新月异。

请看，地质队员，纷至踏来。风餐露宿，踏遍荒垓。火车东鸣，忽过兰州而北上新疆，俄尔又分赴宁夏青海。公路四敷，车轮以胶易木，由高变矮。现代大型企业雨后笋起，如神手布棋，白纸绘彩。兹略举数名，皆百姓熟道者焉：兰炼、兰化，刘化、盐化；兰维、兰塑，银光、碳素；兰石、兰通，万里、长风；海林轴承，平凉红锋；靖远风雷、天水风动，丰收机械、农业水泵；高压阀门，汽车齿轮；星火机床，临夏甘光；白银针织针布、兰州毛条毛纺，陇西酒精、酒泉糖厂；长城开关、平板玻璃，兰新电表、永登水泥；西北油漆，长津电机，六四一三、七四三七……君当知，铜都白银方喷金液，镍都金昌又现戈壁。酒泉既为钢铁之城，又辟航天基地。开现代煤井于窑街、华亭，销连城铝锭、硅铁于国际。咆哮黄河始为百丈石壩缄口，刘家峡登亚洲水电之巅。诸如盐锅、碧口、龙渠、八盘，皆锁龙伏蛟，驻波产能而扬帆。当其时也，甘肃荣居工业布局之堂奥，更添国防三线建设之秘密。民用军备，百工庶绩，结体而成系。尤可骄者，两弹一星，由肃州而腾空。东方红乐曲，响彻天宇，炎黄子孙，莫不扬眉而吐气。镇国之宝，由此巍立。

请看，土改分田，农家夙梦成真，泪涌心热。继则变工互助而入社。君当知，我省深处内陆，最疚天慳。江表一日之雨，陇上须待数年。草木难生，禾黍苦蒿。有水则绿洲蓊郁，无水则沙土弥天。遂扬集体之优势，引水、蓄水、提水、保水、节水，敬天而不赖天，着生态建设之先鞭。

武山东梁一马当先，牵青龙而上山。破阎王砭、鬼门关，跨黑沟湾、烂泥滩。蜿蜒六十余里，仅一载而工完。一时轰动六合，劳远客杂然而参观。玉门昌马河干渠乃省立项目之重点。未及二岁，引流二百余里，三十五万亩荒白辟腴而布畎。临夏回汉儿女六季苦干，成渠五十余里，遍泽莽莽北原。永登方凿登丰，红古乃开谷丰。涇川后有幸福，先有庆丰。南干在酒泉，西干则在张掖、静宁。既有定西东河、甘谷南岭，又有会宁关川、平凉安同。彼其之属，百条千派。活水自至，既饮且溉。皆出父兄胼手胝足，谁敢斗量升卖！

若言蓄水，则肇乎山丹祁家店水库。期年矗十丈大坝，蓄三千万立方甘露。地感其厚恩，天叹其神速。民乐后来居上，起二十丈高坝于双树寺前；平凉锦上添花，移王母瑶池于崆峒山弯。举三面红旗，民勤建红崖山亚洲最大沙漠水库，庆阳则筑巴家嘴世界最大黄土均质水坝，至今名列“世界之最”，身关水土失保、民生贫富。至若大靖峡、金川峡、赤金峡、东峡，黄羊河、西大河、摆浪河、党河，鹦鹉嘴、大野口，大草滩、大堵麻，双塔堡、解放村，高崖、西营，李桥、银屏诸库，皆洄清生岚，锦鳞悠然。泻玉液于焦土，供电能于闾阎。

若言提水，兰州水车卓立河湟之滨。木制巨轮，河水冲转。轮缘之斗舀水而升空，注槽成溪而惠岸。昼夜不辍，弗食弗倦。若汲井泉之酿，适有兰通厂解放式水车。蓄力转机，似运碾推磨。机转水升，浇濡嘉禾。继则电灌逞能。论其规制，莫过景泰工程。滚滚黄河琼浆，腾骧四百余米，乳万顷旷野，生一派葱茏。至若靖远刘川、榆中三电，皋兰西岔、靖会电灌，张家台、达家台、平安台、黑台，彭家坪、范家坪、公将坪、大坪诸处皆临水设站，机声隆隆。垂虹吸空，化枯为荣。

至若苦无水源者，或均覆砂石以保墒，或削山填沟而固缘。火烧沟荣称铺压砂田之愚公^⑤，庄浪县榜题兴修梯田之状元。披星戴月，千羣会战。背浹汗，手重茧。换取水田、砂田、梯田万万亩，精织陇原如锦缎，长保儿孙不食嗟来污秽饭。

请看，中小学堂遍设山洼，大学黉林四处奠基。亭午铁院、民院、教院落成剪彩，翌晨工大、农大、职大开学升旗。兰大乔迁东岗，跻身重点综合大学之籍。中科院兰州分院卜居其侧，为德邻而辅依。中专技校，别类分级，因需而制宜。现代医院名标人民、工人、职工、陆军、妇幼、中医……平地起楼，门高而槛低。敦煌石窟盛装迎宾，郭沫若欣然题词；文溯阁四库宝典移存兰州，周总理亲手所批。大汉腾空金马飞出武威雷坛，秦安大地湾敞露八千年先民旧居。博物大厦膺期诞降，喜纳物华天宝。和政恐龙卵如足球，合水古象张牙舞爪。马家窑、齐家坪彩陶绚丽多姿，辛





店镇、寺洼山石器复杂精巧。览魏晋墓室壁画，风物可亲；检武威烽燧简牍，往事待考。剧院、影院竞起宫台，畅供精神美餐。昨日屈辱戏子，疲惫马班，今为人民演员，堂皇院团。秦腔、京剧、豫剧、越剧、话剧、歌剧、舞剧、曲艺……更有新创陇剧，一鸣惊人而轩轩。《枫洛池》《向阳川》《“八二六”前夜》《在康布尔草原》……好戏连台，鼓我血气，壮我山川。进京献艺，领袖鼓掌；出省巡演，数月难还。一时京津学者、海外赤子，苏联专家、湘沪儿女，风从响应，以安身立命陇上而自诩。而我玉门英男王进喜，率石油尖兵创业大庆，世称“铁人”，千秋耀辉；当年边区功臣李培福，尽瘁景泰，民称李冰，塑像而树碑。兰州医生李贡自割股肤，移植藏胞，草原念颂红色曼巴；兰大段一士教授因战衔命，研制反坦克火箭，神破敌甲而宣威。是以天宇由东方红而昭彰，甘肃因新中国而新生。人尽其才，物显其能，消百年凋敝而昌明。

星转斗移，新故继替。改革开放，百业竞进，登层楼而来重译。遵科学而发展，求和谐而聚力。念先辈之劬劳，知守业之非易。扬人一己百之古训，乘骐骥而凌轶。

请看，引大入秦，恍如降银汉于人间。穿七十一座隧洞，布一千八百里沟洫，输天堂圣水于旷荡秦川^⑥。先明峡龙卧天壤，为全球倒吸虹第二奇观。昔日海市蜃楼，今落地成廛。柳暗花明，胜似江南。景泰电灌，二期续建。砌二百里干渠，升三十座泵站，扬六百米高程，济古浪、民勤于沙化，不让罗布泊再现。又有引洮工程，昼夜兴作，情寄两代梦幻。陇中将根治困苦，任天公杲杲曛曛。

请看，铁路由单线而变复线，机车由蒸汽而为电气。高速公路通州连市。西出阳关，东谒黄陵^⑦，朝发而夕至。机场扩容晋格，任君遨游殊方异域。君当知，鹏翼掠空，乃转换风力之巨扇；琉璃铺地，为吸储阳光之晶板。陆上三峡身现瓜州，闪清洁能源之亮点。陇东油煤应需而时采，甘南黄金论吨而增产。力建商品粮基地，河西溢脂而流粟。培育特色农业，高原无害夏菜热捧苏杭宁沪；定西洋芋杂粮，走俏欧亚大陆。断然封山育林，审势退耕还牧，黄退而绿跻。兰州南北濯濯童山，不负六十年哺乳育鞠，松槐蔽空，鹿鸣莺



啼。神秘莫测，新核素合成于重离子加速器；妙不可言，甘农大育出“甘肃白猪”、“箭二白杨”、“黄河蜜”^⑧。金城秦大河科考，横越南极；民勤六老汉治沙，改天换地。

夫膏丰而光烨，本固而华艳。请看，树碑林于九州北麓，起兰台于黄河南岸。弘文赓绪，玉砌四库馆阁，冬温夏清；流慈恢善，金镶夏河禅林，美轮美奂。更立甘肃剧院，宏阔而眈眈。信步《兰州老街》，搦洒《丝路花雨》，重温《西安事变》，《上南梁》而远瞻。品秦腔陇剧，赏贤孝鼓子，擂太平锣鼓，唱花儿少年。

呜呼！言难尽意，文难尽言。况纸短笔拙，述一而遗千。虽然，举一可反三。远方来客，辱览此文，必推悉敝省之梗概，动心而解颜。愿与君共餐兰州清汤牛肉面，烹陇南香茗于五泉。登三台阁，披飞云而凭朱栏。远眺秀峰白塔，俯观九曲安澜。请举酒泉夜光玉杯，酌凉州葡萄美酒，一饮而干。倘诗兴大发，何妨笔蘸卓尼洮砚浓墨，案摛康县真丝素绢，同赋新篇！

注释：

①杜甫《自京赴奉先县咏怀五百字》：“疑是崆峒来，恐触天柱折。”崆峒，名山，在甘肃平凉市。

②甘肃省会兰州位居中国地理几何中心，孙中山曾以此为据主张建都兰州。

③流公，指现代诗人流沙河，有《草木篇》咏白杨。

④沙枣木纹丽质坚，俗尚制棺，谚谓“头榆二沙三柏木”。

⑤酒泉戈壁有锁阳城，据传唐薛仁贵征西兵困其中，绝粮，掘食锁阳而活命取胜。《旧唐书·薛仁贵传》载，仁贵西击突厥，发三矢，射杀三人，其余降服。军中歌曰：“将军三箭定天山，战士长歌入汉关。”

⑥甘肃渭源县有首阳山，盛产蕨菜，上有伯夷叔齐庙。

⑦兰州谚云：“安宁堡（在兰州安宁区）的桃子，水阜合（在兰州皋兰县）的瓜。”

⑧《禽经》：“鸚鵡出陇西，能言鸟也。”祢衡《鸚鵡赋》：“惟西域之灵鸟兮，挺自然之奇姿。”李善注：“西域



谓陇坻，出此鸟也。”

⑨《资治通鉴·汉武帝元狩三年》：“是岁，得神马于渥洼水中。”《汉书·礼乐志》为此而作《天马歌》云：“今安匹，龙为友”。渥洼水，在甘肃瓜州县，是党河的支流。

⑩清梁玉绳《汉书人表考》：“黄帝生于天水。”

⑪积石，指积石山，在甘肃临夏市。黄河从积石峡中流过。兰州市黄河北有“九州台”，为世界上黄土层最厚处。相传大禹登其顶观天下而经画九州，因以为名。

⑫犬丘，指西犬丘。在今甘肃礼县、西河县一带，有大堡子山秦先公墓地，二十年前被群体盗发。

⑬邑治在今甘肃清水县白沙镇。

⑭西海，指今印度洋。

⑮四郡：西海、河源、鄯善、且末。

⑯燕支山，在今甘肃山丹县。

⑰庄严寺，陇上名寺，称有“三绝”（塑绝、书绝、画绝），在今兰州市张掖路北侧，1995年迁殿舍于五泉山。

⑱须密，殷商诸侯国，在今甘肃灵台县。

⑲邽，上邽县，在今甘肃天水市。冀，冀县，在今甘肃甘谷县。为秦人最早所设二县。

⑳凤林，指凤林关，在今甘肃临夏市。麦积，麦积山，名山，多石窟，在今甘肃天水市。

㉑兰州铁桥，民国称中山桥，是黄河第一座现代桥梁。清末由德国承建，人称“天下黄河第一桥”。

㉒皇甫谧，西晋朝那人。今甘肃灵台县朝那镇有皇甫谧墓。近年外省有争籍者，甚无谓。

㉓雷坛河，古名阿干河，北至兰州市区入黄河。

㉔自1937年11月5日始，日机空袭兰州36次，民众死伤400余人，毁屋舍2万余间。高僧蓝大师谓日人笃佛，不避走，遂与古刹普照寺及唐刻5000余卷大藏经俱遭轰炸而为烬。我方侦知日机起降于运城，乃卧底，及时电传信息，遂主动防空。又查获奸细18名，及时处决，市民以石愤击其尸以为泥。我有耳目，敌失眠线，故得空战大捷。1941年9月后敌机未敢复来。

㉕1965年2月甘肃省委、省政府在皋兰县火烧沟召开

现场会，推广其削山填沟、铺压砂田经验，表彰其“活愚公精神”。

②⑥“引大入秦”是引大通河入秦王川的一项大型水利工程，进水口在天祝县天堂寺。

②⑦甘肃庆阳正宁县有黄帝陵。

②⑧黄河蜜，一种甜瓜新品种。皮金黄，瓤碧绿甘甜，产量高。

作者简介：

张文轩，生于1944年，甘肃永登人。甘肃省文联副主席、省文史研究馆馆员、兰州大学中文系教授，原系主任。

